

INFORMAZIUNS POR CORVARA Y CALFOSCH

Aodanzes: a inom de trames les ploanies ti fajunse ai mituns y mitans dla Prüma Santa Comuniun les mius aodanzes por la Festa cun Gejù y a chi che i à daidé arjigné cà a chëse dé tan important, ti dijunse dër bel giulan y Dî t'il paies Festa dla uma – aodanzes - Sön tru - Festa dla uma



Festa dla uma, n dé da festejé sura dütt l monn - ince nosta fede, nosc perié, nosta vita nen baia. La uma de Gejù è na porsona scëmpla, che i ne essun gnanca noté. Le medemo vel por so om, l zumpradú, ince l fi chît Gejù, che saltâ incërch y sugâ cui compagns da pice y da gran se tirâl zeruch gunot tl perié. Sides laldada, regina dl cil, sides laldades dütes les umes y dôtes les porsones fora por l monn cun n bun cör da uma. N slogan ne me desmentiarai mai, y n'á debujëgn de degüna spligaziun che dij tröp sura la dignité dl' ëla, che i á lit scrit a gran: "Mia uma, mia so, mia fomena, mia fia." (P. Bernhard Frei, capuziner, Maran)



Conzert de mà: la Mùjjiga Calfosch-Corvara Ves inviëia dër bel al conzert d'aisciüda en vëndres, ai 15 de ma 2026 dales 20:30 tl salf dles manifestaziuns Franz A. Rottonara a Corvara. Al sonará por Os ince la mùjjiga di jogn da Calfosch-Corvara "The Groovy Wind Band".

Domisdé cun jüc por döta la familia - Hobby y aurela cörta: in jöbia, ai 14.05.2026 dales 15.30 ales 17.30 te biblioteca a La Ila. Le pulmin di jüc dl "Spieleverein dinx" s'archita ince tl 2026 a La Ila. Vigni secunda jöbia dl mëis pó pici y gragn passé te biblioteca n domisdé cun na gran cerna de jüc da mësa. Na esperta dá consëis y spliga les regoles di jüc. Al é ince la poscibilité da impresté fora jüc.

50 agn Scora de Musiga Val Badia: scolars, geniturs, familiars y düc chi che á ligrëza cun le cianté y le soné é dër bel invia ala festa de iubileo por i 50 agn de ativité dla Scora de Musiga Val Badia in sabeda ai 16 de ma 2026 dales 16:00 tla Ciasa dla Cultura a La Ila.

AL VËGN CHIRÍ VOLONTARS POR FAMILIES... por che vigni möt ciafa la poscibilité de en bel scomënciamënt tla vita tl raiun – Bornech - Val Badia – Türesc - y val de Puster. L'aiüt ne mëss nia ester gran, en pice de na man fëj fora datrai dër tröp sciöche: jí a cumpré ite, daidé fá laurs te ciasa, ciaré do ai mituns en valgünes ores, sostegní i geniturs tl organisaziun da vigni de yii...Aste vëia y la orenté da daidé spo ví a fá pert sciöche mëmber/a atif por daidé families jones con pici mituns danter i 0 y 3 agn por ti garantí insciö en bel y bun mëteman tla vita. Lascete adintene pro le Katholischer Familienverband de Südtirol (KFS).0471974778. www.familienverband.it - info@familienverband.it

Markus Doggi Dorfmann – Die Südtirol-Tour 2026: Vire n highlight musical plëgn de autentizité y umor. Markus Doggi Dorfmann porta sön paladina le dër sëns de vita de Südtirol: n moscedoz unich de dialet, de melodies satiriches y de emoziuns. I se confortun a na sëra da s'la rí y fá para. Cun sü hits sciöche "Brixen chillt", "Olm loggor bleibm" "Feirum" garantësc Doggi Dorfmann n spetacul plëgn de energia y de bona löna. Post: Ciasa J. B. Rinna, San Ciascian - Data: 22.05.2026 dales 20:00.



Plata dla Ploania Corvara S. Tarina y Cör de Gejù Calfosch San Vighile y S. Michël

Ploan: Siur Andreas Perathoner
Calonia Corvara:0471/836134
Radio dla Ploania: 93,30 Mhz

UNITÉ PASTORALA



www.unitepastorala.or

Ann "A" 10.05.2026 – 17.05.2026 Festa dla Prüma S. Comuniun n. 24



Impressum Ploania Corvara - Calfosch Redaziun Cristina Zingerle
Comincaziuns cina al mercui sëra a Cristina Zingerle info@pensionvittoria.com
Download plata www.unitepastoralaorg//comunit/ploanies

S. Mësses pur Corvara

- 10.05.2026** **Dumënia–Domenica–Sonntag -Festa dla Prüma S.Comuniun -Festa dla uma**
Jan 14, 15.21 09,45 Ingress solënn di neocomunicandì cun sü familiars y la müjiga da scola demez cina te dlìjia y dales
10,00 S.Mëssa pur i mituns dla Prüma S.Comuniun y sü familiars.
S.Mëssa dl'ann pur def.to Sepl Pescosta.
S.Mëssa dl'ann pur def.to Gottfried Crepaz.
S.Mëssa pur def.ti Herta, Anna y Teresia Pedevilla.
S.Mëssa pur def.ta Paula Crazzolara – Thaler.
- 11.05.2026** **Lünesc – Lunedì – Montag**
18,30 III. S.Mëssa de supultüra pur def.ta Anna Maneschg – Piccolruaz.
S.Mëssa dl'ann pur def.ta Anna Castlunger.
- 14.05.2026** **Jöbia – Giovedì – Donnerstag**
07,45ca.Tolun ite la porciun da La Ila y S.Mëssa por i partezipanc.
S.Mëssa ad intenziun dla fam. de Eduard Crepaz.
S.Mëssa pur les püres animes.
19,00 Piun ia in porciun pur Calfosch y ailò Liturgia dla Parola.
- 15.05.2025** **Vëindres – Venerdì – Freitag**
19,00 Piun ia da Punt da Bos in porciun pur La Ila cun chi da Calfosch y ailò dales 20,00 liturgia dla Parola.
- 16.05.2025** **Sabeda – Sabato – Samstag**
07,30 Porciun fina jö da punt da Pescosta y adüm ala porciun da Calfosch fina te dlìjia y dales
08,00 S.Mëssa pur i partezipanc.
16,00 A Oies: S.Mëssa pur def.to Livio Delfauro.
- 17.05.2026** **Dumënia – Domenica – Sonntag – VII. Dumënia dô Pasca**
Jan17,1-11a 10,00 S.Mëssa pur la Comunità.
S.Mëssa pur def.to Bepi Pezzedi.
S.Mëssa pur def.to Erich Deiacò.
S.Mëssa ad intenziun dla fam. de Ludwig Kostner.

Gita dla jënt de tēmp da Corvara: l grup dla Caritas da Corvara mēt a jì por la jënt de tēmp da Corvara la gita da d'ainsciüda **in mercui, 13 de mà 2026 a Heilig Kreuz a San Laurēnz.** Se incuntun dala fermada dla coriera dl Col Alt dales 13.10, la coriera de linea passa dales 13.18. Dò na picera funziun tla beliscima y vedla dlìjia Heilig Kreuz a San Laurēnz jarunse tla ustaria “Zur alten Post” por na picera marēna in compagnia.
Gnarun zeruch a ciasa cun l bus de linea por les 18.30 ca. Chi che à l Südtirol Pass è perià da le tò para. Prenotaziuns pro Paola al nr. 338 – 4170981 o pro Anna al nr. 339 7450007. Ves aspetun tröc.

Dis dles crusc: in jöbia, vëindres y sabeda. Düc é dër bel invià a tò per tala prozesciun dijan la corona.

S. Mësses pur Calfosch

- 10.05.2026** **Dumënia–Domenica–Sonntag – VI. Dumënia dô Pasca – Festa dla uma**
Jan 11,15-21 08,30 Degüna S.Mëssa.
- 12.05.2026** **Mertesc – Martedì – Dienstag**
17,00 S.Mëssa pur def.to Vijo Pescollderungg.
S.Mëssa pur def.ti Iudita y Vighile Pinter.
- 13.05.2026** **Mercui – Mercoledì – Mittwoch**
17,00 Degüna S.Mëssa.
- 14.05.2025** **Jöbia – Giovedì – Donnerstag**
19,30 Porciun te païsc adüm ala porciun da Corvara fina te dlìjia y ailò liturgia dla Parola.
- 15.05.2025** **Vëindres – Venerdì – Freitag**
19,00 Da Punt da Bos demez in porciun por La Ila adüm a chi da Corvara y ailò dales 20.00 Liturgia dla Parola.
- 16.05.2025** **Sabeda – Sabato – Samstag**
07,15 Piun ia in porciun pur Corvara y ailò S.Mëssa.
17,00 PRÜMA S.Mëssa dla VII. Dumënia dô Pasca:
S.Mëssa pur la pêsc dl monn.
S.Mëssa dl'ann pur def.ta Maria Oberbacher – Pescosta.
S.Mëssa pur def.ta Milly Zoltan.
S.Mëssa dl'ann pur def.to Germano Costner.
S.Mëssa pur def.ti Erich, Sepl y Herta Costa.
- 17.05.2026** **Dumënia – Domenica – Sonntag – VII. Dumënia dô Pasca**
Jan 17,1-11a **08,30** S.Mëssa pur la Comunità.
S.Mëssa pur def.ti y Maria, Giuvani, Christian y Daniela Schrott – Canins.

Dis dles crusc: in jöbia, vëindres y sabeda. Düc é dër bel invià a tò per tala prozesciun dijan la corona.

Prelita por l Consëi de Cüra dla Ploania da Calfosch – Otöber 2026: dessigü à bel valgügn aldi che de otöber 2026 gnaràl indò lité i Cunsëis de Cüra. Pur arjigné ca indurtüra chëstes lites, gnaràl fat na prelita. Zetules pur la prelita gnarà ince metüdes jö da pé de dlìjia. Sön chëstes zetules che à l timbro dla cüra, pòn dè cina 5 preferēnzes scrivān inom y cognom de porsones da Calfosch che an arata adates pur laurè tl Cunsëi de Cüra nü. Lité y gnì lità po' chi che à cumpli 16 agn. I zetli po' gnì dà jö cina ai 16 de mà tla urna metüda fora te dlìjia.

Le sport agonistich tl'eté jona: risc, oportunités y strategies efizièntes

Na serada d'informaziun y riflessiun por geniturs, alenadus y dirigënc sportifs, sön co orienté l'alenamënt y acompagné i jogn atlec te so svilup sann y de lungia durada. Ala serada partezipará ince en valgügn atlec jogn dl post, che cuntará la süa esperiënza. Referënt: Valentini Thomas Data: 11.05.2026 dales 20:00. Post: Ciasa dla Cultura a La Ila

Presentaziun dl liber "Cesto gerla fagotto": Le liber cunta dles ères che se spostâ por vëne patüc söles strades y chères che se spostâ por pité süa forza de laur. Tröpes ne marciadâ nia de bëgns, mo metô a desposiziun sües capacités, y diventâ pert de n fenomen de emigraziun de sajun che á segné dassënn la storia sozuala de tröpes comunités. Tres inrescides storiches, testimonianzes diretes y cunties de vita ti dá l'auturia indô usc a chëstes ères sön tru, bones da trasformé le bojëgn te oportunités. Referënta: Rosanna Cavallini, auturia - Data: 14.05.2026, dales 20:00 - Post: Biblioteca La Ila.

U uniun di ëi Val Badia (KMB) inviëia düc i ëi y i jogn ala prozesciun cun linternes o cianderes che vignun dess se tò in mercui/dedemesaledema ai 13 de ma dales 21,00 da Neustift a Porsenu, olache al vegn zelebrada la messa tl dom. Al va ia na coriera cun chisc orars: S. Ciascian (Studafuch) dales 18.45 - La Ila (plaza Hotel Ladinia) dales 18.50 - Badia (dan Comun) dales 19.00 - Pidro (Hotel Posta) dales 19.15 - S. Martin (burcia) dales 19.20 - Longega dales 19.30 Duç i interessa e peria da se anunzie pro Leo Crepaz 348 409 6351 cina in domënia ai 10 de ma.

Ester geniturs – löm y ambria; insciö sciöche i sun, vára bun y canche i me stënti, me chiri aiüt. Chësc è le slogan dl sorvisc de Sostëgn bunorí por families. Al é n sorvisc por düc i geniturs che vëgn docá, geniturs susc y families cun mituns danter 0 y 3 agn, che éte situaziuns de desfida. Nüsc esperc dl ciamp sanitar y sozial dá consëis aladô dles ghiranzas y ciafa deboriada soluziuns adeguades. Le sorvisc é debann, confidenzial y volontrar. Por plü informaziuns podëise se lascé aldi a chësc contat: Tel.: 333 6203945 Email: fruehe.hilfen@bzgpust.it.

Le sorvisc sará a desposiziun tl alzada a tera dl raiun sozio-sanitar Val Badia dales 8.30 ales 11.30 te chëstes dates: 18.05.26; 15.06.26; 27.07.26; 17.08.26



CREJIMA 2027

Ince n ater ann sarál la poscibilité da ciafé le Sacramënt dla Crejima tla Val Badia (en Domënia blancia), por düc i jogn che á complí i 16 agn y á tut pert a dotes les 8 incuntades de preparaziun. Chësta pëia ia cun na pröma incuntada ai 06 de jügn 2026 y vá inant da setëmber cina merz 2027 te na incuntada de 2 ores n iade al mëis.

Düç i interessá (de döta la valada), jogn y jones cun sü geniturs (y evt. toc/totes), é dër bel inviá a na sëra de informaziun en vëndres, ai 22 de ma dales 19.30 tl Istitut Ladin a S. Martin.